

Sinaakktissatut atugassiinerit piumasaqaatillu makku aallaavigalugit Maniitsup eqqaani erngup nukissiornermik tunngaveqarluni aluminiumik suliniummut tunngatillugu Alcoa Inc.-imik oqaloqatiginninnernik nangitsinissamut Naalakkersuisut pisinnaatitaanissaat pillugu Inatsisartunit aalajangiussissutissamut siunnersuut:

1. **Piginnittuuneq:** Naalakkersuisut *akuersissuteqarnermik ilusiviusoq* aallaavigalugu Maniitsup eqqaani aluminiumik suliniummik suliaqaqqissapput.

2. **Sanaartornermut aningaasaliinerit:** ”Kalaallit Nunaanni sulianik angisoorsuarnik inuussutissarsiutitigit suliniutit piviusunngortinnissaannut sinaakktissatut piumasaqaatit pillugit nassuiaat”-mi sanaartornissamik aningaasaliissutitut nassuiarneqartunik Qeqqata Kommunianik suleqateqarlutik Naalakkersuisut aningaasaliissutissanik pissarsiniassasut.

3. **Erngup nukissiornermut inatsisaasumik allannguineq:** UPA 2013-imi erngup nukissiornermik inatsimmut allannguutissatut siunnersuut Naalakkersuisut saqqummiutissavaat, tassani akuersissuteqarnermik piginnittumut maannakkut ukiunut 40-nut taarsiullugu akuersissuteqarfiusup siulliup ukiut 60-it tikillugit sivilissuseqartitsilersoqarlunilu sulii ukiunik 20-nik sivitsuisinnaasoqassalluni.

4. **Tamanit atugaasutut pilersuisoqarfimmut sinneqartoortaaasumik innaallagissamik tunisineq:** Aluminiumik suliniummut atatillugu erngup nukissiorfiit ingerlanneqarnerinut akuersissummi tamanit atugaasutut pilersuisoqarfimmut innaallagissamik tunisineq akuersissummik pigisaqartumut peqqussutaasinnaanginnera aalajangersarneqarsinnaavoq, taamaallaalli nammineq piumassuserisaq naapertorlugu isumaqatigiissutigineqarsinnaalluni.

5. **Akilerartarnermik inatsisilianik aamma erngup nukissiornermut inatsimmik allannguinerit:** Aatsitassarsiornermut inatsit naapertorlugu akuersissutinut tunniunneqartunut maannakkut pisartutuulli assingusumik erngup nukissiornermut inatsit naapertorlugu akuersissutinut tunniunneqartuni ingerlatseqatigiiffinnut akileraarusiisarnermik taarsiisussamik minnerpaamik assingusumik annertussuseqartitamik akiliuteqartarnerup aalajangersaavigisinnaanissaa siunertaralugu periarfissiiniarlutik akilerartarnermik inatsisilianik aamma erngup nukissiornermut inatsimmik allannguuteqarnissamut Naalakkersuisut UPA 2013-imi siunnersuummik saqqummiussaqaassapput. Suliniut sanaartornerup nalaani naqissusiinikkut akitsuusersorneqassanngilaq.

(Inuussutissarsiornermut Aatsitassaqaqarnermullu Naalakkersuisuni ilaasortaq)

Saqqummiussinissamut allakkiaq

(Inuussutissarsiornermut Aatsitassaqaqarnermullu Naalakkersuisuni ilaasortaq)

Siullermeerera

Namminersorlutik Oqartussat isumaqatiginninniarnermi inassisimaneranik Inatsisartut tapersersuinissaannik aalajangiussassatut siunnersuutikkut matumuuna Naalakkersuisut qinnuteqarput, aammalu Alcoa Inc.-imik oqaloqatiginneqqinnissamut sinaakktissatut piumasaqaatinik arlalinnik aalajangiussaqaqqusillutik. Saniatigit anguniarneqarpoq sinaakktissatut piumasaqaatit aningaasaliisinnaasutut ilippanaatilinnut nutaanut takkussinnaasunut atorneqarsinnaanissaat, taamaalilluta Kalaallit Nunaanni

aningsaasaqarnikkut ineriartornermut iluaqutaasussamik ammasumik nassuiarneqarluartumillu aningaasaliiffissaasumik pilersitsissagatta.

Piujartitsisumik tunngaveqartumik pisinnaassappat aluminiumik suliniutip ingerlanneqarnissaa anguniagaraarput. Taamaattumik sinaakktissatut piumasaqaataasut imatut aalajangersornissaat pisariaqarpoq Kalaallit Nunaata nunani tamalaani unammillersinnaassusianik inuiaqatigiit pissusissamisut piujartitsisumik inuiaqatigiinnut akulerussuutsitsinissaq pillugu piumasaqaataanut sianiginnittumik oqimaqatigiississallugit. Taamaattumik suliniut siuarsaaviginiarlugu aningaasaliisumut aalajangersimasunik akuersissuteqarfiginissaa piareersimaffigaarput. Immikkoortortaqarporli allanik Kalaallit Nunaata aningaasaliisup kissaataanik naapitsisariaqartariaqarneranik isumaqarfiginngisatsinnik.

Siunnersuut itinerusumik nassuiaatiginngikkaluarlugu pingaarnerit immikkuullarissut naatsumik nassuiaateqarfigissavara.

Naalackersuisut tamakkiisumik akuersissuteqarluni ilusiliamik toqqaanissaat siunnersuutigaat. Naalackersuisut naliliinerat naapertorlugu Kalaallit Nunaat maannakkut pissusiusut atugarinerini annikillisitamik piginnittoqataanerup nassatarisaatut aningaasaqarnikkut artukkiissutaasumik kivitsinissaminut periarfissaqanngilaq. Piginnittuusutut suliniummumut atasuulernissamut Taarsigassarsinerumut aningaasaliinermullu periusissiap atuuttup iluani inissaqanngilaq. Aningaasaliisup oqaloqatiginerani Kalaallit Nunaannit aalajangersimasumik piginnittoqataasoqarnissaanik pingaartitaqartitsisimanera Inatsisartut ilisimassavaat.

Attaveqarnerit inissiallu il.il. malitsigisatut aningaasaliissutinut aningaasaliinissamut ilusiliassap nassaariarnissaanut siunnersuut imaqarpoq.

Erngup nukissiornermut aamma akileraartarnermut inatsisaasunut allannguutissanut siunnersuutunik Naalackersuisut saqqummiussaqaqqunissaannut kaammattuuteqarpugut.

Ukiunut 60-inut sivitsuisinnaanermut periarfissaq ingerlatsiviit siunnersuutigaat sulilu ukiunut 20-inut sivitsuisinnaatitsinermik kaammattuuteqarfigaarput. Akuersinerit tamakku naliliinerput naapertorlugu inuiaqatigiinni soqutigisarisamik pingaaruteqartunik ajortisaanngillat. Akuersissuteqarnerup sivisussusaa taaneqartutut ittoq aningaasaliisumut akuersaarnartuussasoq Alcoa nalunaarutiginnissimanera ilisimatitsissutigisinnaavara.

Akileraartarfiusumi erngup nukissiornermut aamma akileraartarnermut inatsisaasuni aalajangiussanik ilanngussisoqarnissaanik Naalackersuisut kaammattuipput, taakku minnerpaamik taamatut artukkiissuteqartigisumik akiligassamik ingerlatseqatigiiffinnut akileraartitsisarnerup taarserneqarsinnaaneranik periarfissiisumik. Taamatut iluserisAQ Aatsitassaqaqarnermi inatsimmi pigereerparput.

Oqaloqatiginninnitsinni akileraartitsisarnermut atuuttumut naleqqiullugu appasinnerusumik inissisimaffilimmik ingerlatseqatigiiffinnut akileraartitsisarnissamik kissaatinik Alcoa saqqummiussaqaqsimavoq. Aammattaaq sanaartornerup nalaani sulisuminut nalinginnaasumut naleqqiullugu isertitanit akileraartitsisarnermik appasinnerusumik isumaqatiginninniartoqassasoq ingerlatseqatigiiffiup kissaatigisimavaa.

Naalackersuisut kissaatigisat taakku akuersaarusunngilai. Inuussutissarsiorfiup ilaanit allanit – minnerunngitsumik uuliasiorfimmit aatsitassarsiorfimiillu – tuniluussisutut sunniuteqarsinnaaneranut aarleqqut angivallaarsoraarput. Ilusiliussatut siunnersuut siunissami akileraarutitigut qaffaanissamut aningaasaliisumut pakkersimaarutissamik tunniussissaaq, maannakkulli akileraartitsisarnermut naleqqiullugu salliusussatut inissisimaffiliinani.

Tamanna, kiisalu sanaartornerup nalaani naqissusiinikkut akitsuutini akiliisanginnissaq akuersaarnartutut naammaginatutullu akuersissutitut isigaarput.

Akissarsiat sulinermilu atugarisitat pillugit suliniutini angisuuni nalimmassaanermut apeqqutit siunnersuummi ilaangillat. Suliniutini angisuuni illulortitsinermi sanaartornernillu siunnersuummut ilaavoq.

Pisami inuiaqatigiinni soqutigisarisat annertoorsuit sianiginiartariaarput. Naggasiutigalugu aningaasaliisup kissaatigisaanik tulluartaullunilu akuersaarnartutut tamaasa isigalugit akuersissutiginnissaannut Naalakkersuisut isumaanni immikkoortunut aalajangiussassatut siunnersuutip takussusiisuunera eqikkaassutigissavara.

Oqaatigineqartutut aamma pingaarutilinnik immikkoortortaarpoq – ingammik piginnittuunermut akileraartarnermullu tunngasunik – aningaasaliisup kissaataanik periarfissatut malittaralugulu inuiaqatigiinnut tunngatillugu tulluartausutut akuersaarinninnissaq Naalakkersuisut isumaqarfiginngisaannik.

Aningaasaliisunut ataasiakkaanut immikkut ittumik annikitsumik akileraartitsisarnissaq pillugu isumaqatigiissuteqarnerit ungasissumut isigalugu inuiaqatigiinni soqutigisarisatsinnik iluaqutaasussaanginnerat Naalakkersuisut paatsuugassaangitsumik isummiussaraat.

Sinaakkutissatut piumasaqaatit aalajangersaaviginnissaannut, immikkoortortani toqqartukkani aningaasaliisup kissaataanik akuersaartuunngitsunik akuersaartoqarneratigut suliniummik aningaasaliisup soqutiginninneranik ajortisaasinnaanera paasinarpoq. Suliniutip piviusunngortinnissaa/piviusunngortissinnaanera pillugu aningaasaliisumut naliliissutaasinnaasunik arlalippassuarnik pissutissanik peqarpoq – aammattaaq sunnuteqarfigisinnaasatta avataaniittunik. Matumani pingaarnertullugit nunani tamalaani aningaasaqarnikkut inissisimaffiit aammalu aluminiumut nunarsuarmi niuerfeqarfinni akit eqqarsaatigaakka; aammattaaq soorunami suliniutini angisuuni sanaartornerup nalaani aningaasarsiaqarnermut sulinernullu atugassarititatut naapertuutsinniakkavut ilanngullugit.

Taamatut oqaaseqarnikkut aalajangiussivissatut siunnersuummik saqqummiussamik Inatsisartut akuersaarnissaat innersuussutigissavara.